

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱۰ ربیع‌الآخر ۱۳۳۵ جمعه ایرتسی ۲۱ کانون ثانی ۱۳۳۲ نومرو ۱۴

جلال نوری بکه مکتوب

L ۱۶ کانون ثانی ۱۹۱۷

استاد معزز

اسویچره خاطرانی ملفوفدر . بر آیدن بری اقدامك هیچ بر نومروسنی کورمدم . عجا بو کونلرده آله بیلیرمییم ؛ اسویچره یه دائر یازیلر و دیگرلری چوقدنبری یازیلش طورییور . بوراده نه کاتیم نه کتابم وار . پارمغمده بر جیبان چیقمش . اون بش کوندر نه زحمتله قلم طوتیورم ، بن بیلیرم . چاقی بی اوجندن طوتارکی .. بوراده قیش پک شدتلی . سزکله حسبحال ایده جک پک چوق شیلر وار . بو کونلک مساعده کزله بیان اشتیاق و احترام ایله سوزیمه بوراده نهایت ویریم محب مکریم افندم .

سزائی

اسویچره خاطرانی

۶ اغستوس ۱۹۱۶

طاغلك مسافرلرندن دكل، يرلرلرندن، جبالك اولاد سرافرازندن بری، اوكله دن صوكره ساعت بریچقده بولنديم اوتله كلرك، دون كيجه سوزی كچن تنزهی اخطار ایتدی . اوراده ، عزیمت وعودت طوی درت ساعت ! دیوردی . دنیانك كزدیکم یرلرنده اسویچره کی یورومه نك حوایچ ضروریه دن اولدینی بر هملکت کورمدم . اسویچره لی مقتضیات حال و موقع فلسفه سندن انسان - کچی اولق مجبوریتنده ! اسویچره طاغلردن عبارت بر قطعه ! بوراده طوغانلر طبیعی « طیرمانق » خاصه سنه مالک اوله رق دنیا یه کلیور . مثلاً : یانکزدن کچن وتنزه ایچون سوقاغه چیقمش ظن ایتدیککز برکنج قیزله بریاشلی پدر بش التی ساعت مسافه سی اولان دیگر برشهره کیتمکده ، بر

مستور آفاق دورا دور شرقك بر سریر شوكتنده خلیفه اسلامك تخت كاهنه توركك ، نور عین افتخاری اوز اولاد بر كزیده سنك گنج ، پر غلیان ، وطنك اك عالی و قیمتدار قانلرینی ایشار ایله جهانك اك بویوك قوای بریه و بحریه سنه قارشى قورتاردقلری استانبوله باقییورم . شیمدی یه قدر هیچ برحسنة ، هیچ برکوزله ، هیچ بر اقبال و كاله بویله بر نظرله باقامشدم .

« نهایی كلهجك نسخه ده »

سامی پاشا زاده

ز صالی

حرب طولانیسیله

آوروپا و آمریکا

سکینه سندن تقریباً قریق ملیونی استشنا ایدلک اوزره بتون اوروپا لیلر بوکون محاربدر . بوکامقابل همان بتون آمریکا مسالت ایچنده بولونیور . شمالی آمریکاده کی انکلیز الکالری ایسه داخل مستقل اولدقلرندن بونلرک عسکرجه فدا کارلقلری اهمیتسزدر . [قانادا] دن اوروپایه سوروکلنلر کاملاً کولکلیلردن عبارتدر . انکله نك جبراً اوروپایه قبول ایتدیردیکی اصول موجبجه ائتلافك بتون آلتون و کوموشی آمریکایه آقیور . بونکله برابر موسیو ویلسونك صوك توطه ونطقلرندن صراحة آکلاشدینی اوزره ، آمریکا حربدن ، حربك اوزامسندن اصلاً ممنون دکلدرد . [نویوزق] بورسهنده حاصل اولان آلتون مبدولیتندن صرفنظر عجبا نه دن یکی دنیا ، بلکه دیگر بی جانلردن زیاده مسالت طرفداری اولیور ؟ بو جهت جداً تدقیقه ذکر : آمریکا سیاست و اقتصاداً یا کلش ، چاپراشیق ، مبهم و مشکوک و وضعیته بولونیور . شوراسی درخاطر ایدلیدرکه آمریکانك ، حال حاضرده ، اك اساسلی رقیبی ژاپونیادر . [قالیفورنیا] ده هرایکی عرق آره سنده بوندن اول چیقان مسائل ، و خصوصیه حکومت متحده نك بیوک اوقیانوسده ، ژاپون آطه لرینه زیاده سیله یاقین موقعلرده [فیلیپین] کی مستعمره لره صاحب اولسی ژاپون - آمریکا رقابتی پك حاد بر دوره یه کتیردی . ژاپونیا ، بو محاربه طولانیسیله اقصای شرقی ، اوقیانوس کیری ، حتی اوقیانوس هندی بی عاداتا محلول بولدی . ژاپون تجاری [قارون] قدر زنکین اولدیلر . اورته لنی بوش بولان [شمس شارق] حکومتی اقصای شرقه ایجه یرلشدی . همده بر زیتون یاغی لکھسی کی ژاپون حلول ونفوذی دائماً کنیشلیور . بیوک - بریتانیا ایسه ائتلافك کیفی بوزه جق بر مسئله احداث ایتهمك ایچون ژاپونیانك یاپدقلرینی خوش کورمکه و یا هیچ کورمه مکه مجبور اولیور . محاربه نك اوزامسی ژاپونیانك مللاً و ماده دها زیاده قوت بولمسی و بناء علیه احتراصاتنك آرتمسی انتاج ایدر . بو احتراصات ایسه طوغریدن طوغری به آمریکایه مطوف اوله جقدر . ذاتاً ژاپونیانك آمریکانك بعض حوالیسنده ، مثلاً [مه قسیتو] ده کوزی اولدیغی انکار اولونه ماز . ایشه بوکا بناء درکه شمدی یه قدر عسکری پك مختصر اولان وقوتلی اردولر بسلمك مجبوریتنده بولونمیان حکومت متحده قوای حربیه سنك تزیدینی جداً نظر دفته آلیور . باکر آمریکا بوکا مجبور اولورسه آنکله اوروپا آره سنده نه فرق قالیر ؟ ایکی اوقیانوس ایله اسکی دنیادن

آیری اولان آمریقانک بر خصوصیتی ، بر خصلت ممتازه سی بولونماز . بو جهتلری نظردقته آلان موسیو ویلسونک و او یلاسنی محق کوروروز . کله م اقتصادی وضعیته : واقعا آمریقایه منتظماً بر آلتون و کوموش یا غموری یا غیور ؛ لکن متفقاً آمریقا علماسنک ادعا ایتدیکنه کوره بو ثروت ، طبیعتیه ، قواعدینه توفیقاً احراز ایدلش بر ثروت دکلدرد . عادتاقومارده قازانلش پاره یه بکزه ؛ خیری یوقدر . [ثوول - ستریت] ده ، [شیکاغو] پیاسه سنده ، [سینسیناتی] کی صنعت و معادن مرکز لرنده سپه کولاتورلر ، آجیوتورلر ، بورس ه جیلر ، غزته جیلر ، مجهزلر بوندن مستفید اولیورلر . لکن بوکا مقابل - عمومیتی اعتباریله - ایشلر طور غونلغه اوغریور . افراد ، اسکیزی کی ایشنی کوره میور . اتفاق مربع ممالکی آمریقا ایچون قاپالیدر . کذاک بحر محیط اطلاسینک آسایش سزلکی آمریقانک حریت اقتصادی سنی قیریور .

محاربه نك ایلک کونلرنده ائتلاف آمریقان بر چوق مهمات کتیرتیوردی . یاقین زمانلرده ، [لویید جورج] ک تشبثی ایله انکلتزده و آ کایا سافر انسه ده دهافضاه مهمات یاپیلماغه باشلانیدی . بوندن طولاییده آمریقانک اسکی کارینه خلل کلدی .

فضله اوله رق بو غیرطبیعی سپه کولاسیونلر حیات معتاده یی بردن بره بوزدی . اصولاره سخته ایراث ایدلدی . بر چوقلری پوصله یی شاشیردیله .

برده محاربه نك تمادیس ، انکلتزه نك اصراری ، کوندن کونه جهانک اک رصین ، اک متین اقتصادی واجتماعی دستورلرینی دکیشدیریور . او یله بر راده یه کلیور که محاربه نك فرداسنده علم اقتصاد بویا ثروت دیدیکمز فنی بتون بتون بوزوب یرینه بر دیگرنی اقامه ایتک لازم کله جک . بر آرزوها دوربین اولورسه ق کوروروز که ائتلافک عنادی ، بو زمرة دولیه نك افلاسنی انتاج ایده بیلیر . بویله بر افلاس حالنده ایسه (منحصرأ ائتلافه آلیش ویریش ایدن) آمریقا مشتریدن کلیاً محروم قالیر ! بناءً علیه اوروپانک فلاکتی آمریقانک سعادتنی انتاج ایده ضر . نته کیم ، بنوک - بریتانیانک آرزوسی موجبجه وسطی اوروپا حکوماتنک - معاذاه - اضمحلالی بالذات انکلتزه نك امور اقتصادی سنی هرج مرج ایدر . جناب سعدینک بیوردیغی کی بنی آدم اعضای یکدیگردر . برینه کله جک مضرتدن دیگرینک متأثر اولماسی ممکن دکلدرد .

لکن بو پک ابتدائی حقیقتی انکلتزه بنمسه میور . بشرک ثروت مدخره سنی هبا وهدر ایدیور . واقعا ، بوکون ، انکلتزه دن [نیویورک] ویا [فیلادلفیا] لیمانه هرکیدن کی برابرنده بش اون قنطار آلتون کونور یورسه ده علم ثروتک مبادیسنی بیلنلرجه آلتون و کوموشک قیمت حقیقیه سی پک مشکوکدر ؛ یالکز قیمت اعتباریه سی مسلمدر . بلکه بو کیدیش ایله برکون کلیر آمریقانک خزینه لرنده صاقلانان نقود ، ۱۷۸۹ ده فرانسز انقلابنده احداث ایدیلن Assignat لر کی قیمتدن عاری قالیر ! بو مطالعه ضر احتمالدر که قناعت عامه یه بر آرمخالف کورینور . لکن بو محاربه نه قدر قناعتلری تکذیب ایتدی ! اصل قیمت ، اعتباری وعقدی بر مزیتی حائر اولان دکرلی معادنک چوقلغنده دکل ، بر قائده یی موجب اولان موادک سهولته و مهمما ممکن کثرتله تداولنده در .

ایشته انکلتزه نك نسل حاضر رجالی ، [پیت] لرك ، حتی [به قونسفیلد] لرك ، [صولزبوری] لرك کندی اثرلرینه اقتفا ایتیان خلفلری مملکتلرینی و بیطرفلری بو وضعیته قویدیلر . شکر ایده لم که وسطی اوروپا دولتلری نسبتله بو بلالردن مصوندر . پاره ضر ، متادیاییکی دنیا یه اقوب کتیمور . مملکتلر ضر بوشالمیور . مغلوبلر قدرده مصائب حربیه یه گرفتار اولیوروز . استقبالده ، عالمک تاریخن شمدیکی رجالدن

دها بی طرف ، دها مجرد ، دها علمی برکوزله محاکمه ایدمک اولان کیمسه لر اون آلتنجی قرن میلادیدن ، [رهنه سانس] ، [رهنه فورم] و بیوک کشفیات دورندن بری بوقدر اقدام واهتمام ایله وجوده کتیریلن مدنیت مشترکه نك انهدامی مسئولیتنی تردی ایدن ، برقاچ یوز سنه لك مسالك و غننه یی آیاقلر آلتنه آلان ، اوروپا موازنه سنی ، ضمانات دولیه یی هیچه صایان ائتلاف رجانه وبالخاصه انکلیر سرآمدانه عطف ایدمک کلدرد .

مهرول نوری

کوستا و لوبونک آثارندن :

تکامل خلألق قوانین روحیه سی

خلقك روحی ، تشکیلاتنه نصل اساس اولیور؟ — هر قوم و ملتك تاریخی ، بنیه ذهنیه سنك مولودیدر . بالقلر صو ایچنده یشادقلرندن ، اجهزه تنفسیه لری نصل برطرز حیاته کوره یارادلش ایسه ، برملتك تاریخی دخی بنیه ذهنیه سنه موافق صورتده تجلی ایتکده در . اول امرده بوبنیه تدقیق ایدلز ایسه ، برملتك تاریخی ، بینلرنده انسجام مفقود اولان وکویا حدوئلری تصادفه تابع بولنان برطاقم وقایعدن عبارت کی کورینور . حالبوکه بر خلقك روحی اکلشله دینی حالده ، اونك حیاتی ، سجایای روحیه سنك نتایج طبیعیه و تأثیرات مطلقه سنك تظاهرندن بشقه برشی دکلدرد . برملتك حیاتنده ، هر نوع تجلیاتنده طوغریدن طوغری به قدراتی ایلاد ایدن وهیچ بر وجه ایله تغیراته تابع اولیان « روح عرق » نی بولیورز . بورو حك اك زیاده اثبات قوت و مکنیت ایتدیکی ساحه ، تشکیلات سیاسیه موضع لیدر . دیورلرکه : هر قوم لایق اولدینی حکومت مالکدر . او حالده ، برحکومتدن طلب اولنه جقشی ، اونك زیر تابعیتده بولندیردینی اهالینك حسیات و افکارینه برتمثال اولسی کیفیتدر . ذاتاً وجود حکومت ، بوقاعده نك نتیجه سیدر .

خلقك روحی ، قدراتنه نه درجه حاکمدر؟ — بر خلقك قدراتنده روحنك نه درجه اجرای تأثیر ایتدیکنی اثبات ایچون ، انکلیر و اسپانیول کی آیری آیری ایکی عرقك بازده استیلاسی اولان شمالی و جنوبی آمریقای مثالی اوله رق آلمق کافیدر . هرایکی قطعه ده موجود اولان جمهوریت تشکیلاتی هان عینی کیدر . چونکه جنوبی آمریقا جمهوریتلری ، شمالی تقلیده قویولشلردر . شو حالده ، بورالرده ساکن اهالینك قدراتی اکلامق ایچون ، تدقیقه شایان اولمق اوزره یالکیز بویکی قسم اهالینك اره لرنده کی مبانی عرقیه یی کوریورز . حکومت متحده یی تشکیل ایدن اهالی انکلیر عرقنه منسوبدر . شدت عزم ، لایقنی فعالیت ، تشبث شخصی میلی ، نفسه تحکم ، حس استقلال ، حس وظیفه ، دیندارلق ، قطعی بر دستور اخلاق ، شؤن مختلفه دن عملی بر صورتده استفاده یی تأمین ایدمک بر قوه محاکمه ، مسلکه فرط اعتماددن متولد بر نیک بینی ، ییانبیلره قارشو فطری بر عداوت ، بو عرقك خصائص .